



მიმდინარე ეკონომიკური ტენდენციები სექტემბერი, 2020



მოკლე შეჯამება


- სტატისტიკის ეროვნული სამსახურის წინასწარი შეფასებით, 2020 წლის აგვისტოში, რეალური მშპ-ს ზრდის ტემპმა შეადგინა -5.3 პროცენტი
- წლიურმა ინფლაციამ აგვისტოში შეადგინა 3.8 პროცენტი, ხოლო საბაზისო ინფლაციამ - 5.2 პროცენტი
- აგვისტოში ექსპორტი შემცირდა წლიურად 6.3 პროცენტით
- აგვისტოში იმპორტი შემცირდა წლიურად 14.7 პროცენტით



ეკონომიკური ზრდა

2020 წლის აგვისტოში, წლიურმა ეკონომიკურმა ზრდამ შეადგინა -5.3 პროცენტი, ხოლო 2020 წლის მეორე კვარტლის რეალურმა ზრდამ შეადგინა -12.3 პროცენტი. აღნიშნული მკვეთრი შემცირება გამოწვეულია ეკონომიკური აქტივობის შემცირებით, როგორც ქვეყნის შიგნით, ასევე რეგიონში COVID-19 პანდემიის გავრცელების გამო. 2020 წლის აგვისტოში, წინა წლის შესაბამის პერიოდთან შედარებით კლება დაფიქსირდა თითქმის ყველა სექტორში, სამთომოპოვებითი სექტორის გარდა, სადაც დაფიქსირდა ზრდის ტენდენცია.

დიაგრამა 1: ეკონომიკური ზრდა




ფასების დონე

2020 წლის სექტემბრის მონაცემებით, ინფლაციის დონემ 3.8 პროცენტი შეადგინა წინა წლის ანალოგიურ პერიოდთან შედარებით, რაც მიზნობრივ ინფლაციაზე მაღალია. საბაზო ინფლაცია კი შესაბამის პერიოდში 5.2 პროცენტზე დაფიქსირდა.


წლიური ინფლაციის ფორმირებაზე ძირითადი გავლენა იქონია ფასების დინამიკამ ალკოჰოლურ სასმელებსა და თამბაქოზე (+8.9 პროცენტი), ავეჯი, საოჯახო ნივთები, სახლის მოვლა (+8.4), ჯანმრთელობის დაცვა (+7.5), სურსათი და უალკოჰოლო სასმელები (+6.3). ხოლო წლიური კლება დაფიქსირდა ტრანსპორტის (-7) და დასვენება, გართობა და კულტურა (-2.8) კატეგორიებში.

ამავე დროს, 2020 წლის სექტემბერში წინა თვესთან შედარებით ინფლაციამ შეადგინა 0.7 პროცენტი. მნიშვნელოვნად გაიზარდა ფასები ტანსაცმლისა და ფეხსაცმლის კატეგორიაში (+2.4 პროცენტი), ტრანსპორტი (+1.9) და ჯანმრთელობის დაცვა (+1.8).

დიაგრამა 2: წლიური ინფლაცია, 2020 სექტემბერი




დიაგრამა 3: ინფლაციის დეკომპოზიცია, 2020 აგვისტო




საბარემო გაჭრობა

დიაგრამა 4: ექსპორტის და იმპორტის წლიური ცვლილება




წყარო: საქსტატი

დიაგრამა 5: ექსპორტის დეკომპოზიცია



დიაგრამა 6: იმპორტის ცვლილების დეკომპოზიცია



2020 წლის აგვისტოში ექსპორტი წლიურად შემცირდა 6.3 პროცენტით და გაუტოლდა 292.4 მლნ აშშ დოლარს, ხოლო იმპორტი შემცირდა 14.7 პროცენტით და გაუტოლდა 643.3 მლნ აშშ დოლარს, რამაც შეამცირა სავაჭრო დეფიციტი 20.7 პროცენტით წინა წლის ანალოგიურ პერიოდთან შედარებით და გაუტოლდა 350.8 მლნ აშშ დოლარს. აღნიშნული მნიშვნელოვანი შემცირება გამოწვეულია COVID-19 ეპიდემიის გავრცელების შედეგად საშინაო და საგარეო მოთხოვნის შემცირებით და რეგიონში ეკონომიკური აქტივობის შეჩერებით. 2020 წლის აგვისტოში ექსპორტის რეალურმა ზრდამ -8.1 პროცენტი შეადგინა, ხოლო იმპორტის რეალურმა ზრდამ -12.4 პროცენტი. რექსპორტის წილმა შეადგინა 54.7 პროცენტი, ხოლო ნედლეულის ექსპორტმა - 12.5 პროცენტი.

2020 წლის აგვისტოში, საინვესტიციო საქონლის იმპორტი, შუალედური საქონლის იმპორტი და სამომხმარებლო საქონლის იმპორტი შემცირდა 8.2, 6.2 და 4.9 პროცენტით შესაბამისად.


2020 წლის აგვისტოში სასაქონლო ჯგუფებიდან საექსპორტო ათეულში პირველი ადგილი დაიკავა სპილენძის მადნებმა და კონცენტრატებმა 70.8 მლნ. აშშ დოლარით (მთლიანი ექსპორტის 24.2 პროცენტი), მეორე ადგილზე - მსუბუქი ავტომობილები 41.1 მლნ აშშ დოლარით (მთლიანი ექსპორტის 14.1 პროცენტი), ხოლო მესამე ადგილზე - ფეროშენადნობი 15.4 მლნ. აშშ დოლარით (5.3 პროცენტი). 2020 წლის აგვისტოში მსუბუქი ავტომობილების ჯგუფი იყო უმსხვილესი საიმპორტო სასაქონლო ჯგუფი, რომლის იმპორტმა 64.6 მლნ. აშშ დოლარი და მთელი იმპორტის 10.1 პროცენტი შეადგინა. ასევე მნიშვნელოვან წილს იკავებდნენ ნავთობი და ნავთობპროდუქტები 46.5 მლნ აშშ დოლარით (იმპორტის 7.2 პროცენტი) და სამკურნალო საშუალებები 23 მლნ. აშშ დოლარით (იმპორტის 3.6 პროცენტი).

2020 წლის აგვისტოში უმსხვილეს საექსპორტო პარტნიორს წარმოადგენენ ჩინეთი (48.3 მლნ. აშშ დოლარი, მთლიანი ექსპორტის 16.5 პროცენტი), აზერბაიჯანი (43.5 მლნ. აშშ დოლარი, 14.9) და რუსეთი (36.2 მლნ. აშშ დოლარი, 12.4). ხოლო უმსხვილესი საიმპორტო პარტნიორი ქვეყნები არიან: თურქეთი (111.6 მლნ. აშშ დოლარი, 17.3), რუსეთი (81.5 მლნ. აშშ დოლარი, 12.7) და ჩინეთი (61.6 მლნ. აშშ დოლარი, 9.6).

ტურიზმი

2020 წლის აგვისტოში ტურიზმიდან მიღებული შემოსავლები 96.4 პროცენტით შემცირდა და 14.8 მილიონი აშშ დოლარი შეადგინა. აღნიშნული მკვეთრი შემცირება გამოწვეულია COVID-19 ეპიდემიის გავრცელების გამო საზღვრების ჩაკეტვით და საერთაშორისო მოგზაურობის შეწყვეტით საქართველოს ტერიტორიაზე მარტის მეორე ნახევრიდან. 2019 წელს, ტურიზმიდან მიღებული შემოსავალი გაიზარდა 1.4 პროცენტით. აღნიშნული შედარებით მცირე ზრდა გამოწვეულია ივლისში დაწესებული ფრენების აკრძალვით რუსეთიდან საქართველოს მიმართულებით. თუმცა, ამავე დროს სხვა ქვეყნებიდან გაზრდილმა შემოსავალმა მოახერხა აღნიშნული უარყოფითი შოკის გავლენის შემსუბუქება. ამავე დროს, ვიზიტორთა რაოდენობა 2019 წელს წლიურად გაიზარდა 8.4 პროცენტით.

დიაგრამა 7: შემოსავალი ტურიზმიდან, მლნ აშშ დოლარი




წყარო: საქართველოს ეროვნული ბანკი

ფულადი გზავნილები

2020 წლის აგვისტოში წმინდა ფულადი გზავნილები 161.1 მილიონი აშშ დოლარით განისაზღვრა, რაც შეადგენს 26 პროცენტთან წლიურ ზრდას. გზავნილები გაიზარდა სავაჭრო პარტნიორი ქვეყნებიდან, სადაც მოხდა არსებული შეზღუდვების ნაწილობრივი შერბილება და ეკონომიკური საქმიანობის გააქტიურება. გზავნილები გაიზარდა იტალიიდან 36.1 პროცენტით (5.8 პროცენტის წვლილი მთლიან ზრდაში), აშშ-დან 48.5 პროცენტით (5.6 პროცენტის წვლილი მთლიან ზრდაში), საბერძნეთიდან 41.5 პროცენტით (4.5 პროცენტის წვლილი მთლიან ზრდაში). ასევე მნიშვნელოვნად გაიზარდა გზავნილები აზერბაიჯანიდან და უკრაინიდან. ამავე დროს, წმინდა გზავნილებში კლება დაფიქსირდა თურქეთიდან -26.3 პროცენტის მოცულობით (-1.2 პროცენტის წვლილი მთლიან ზრდაში) და რუსეთიდან -4 პროცენტი (-0.9 პროცენტის წვლილი მთლიან ზრდაში).


დიაგრამა 8: წმინდა ფულადი გზავნილები



წყარო: საქართველოს ეროვნული ბანკი

გაცვლითი კურსი


დიაგრამა 9: ნომინალური ეფექტური გაცვლითი კურსი



წყარო: საქართველოს ეროვნული ბანკი

30 სექტემბრის მდგომარეობით, 2020 წლის 1 იანვართან შედარებით, ლარის ნომინალური ეფექტური გაცვლითი კურსი 4.8 პროცენტით არის გაუფასურებული, ხოლო 2019 წლის 1 იანვართან შედარებით კი 11.2 პროცენტით. ამავე დროს, აგვისტოს რეალური ეფექტური გაცვლითი კურსი 5.7 პროცენტით არის გაუფასურებული წინა წლის იანვართან შედარებით და 0.5 პროცენტით 2020 წლის იანვართან შედარებით.

დიაგრამა 10: რეალური ეფექტური გაცვლითი კურსი



წყარო: საქართველოს ეროვნული ბანკი

ცხრილი 1: ნომინალური ეფექტური და რეალური ეფექტური გაცვლით კურსების ცვლილება

	30 სექტემბერი, 2020	30 სექ 2020 - 1 იან 2020	30 სექ 2020 - 1 იან 2019
ევრო	3.8415	▼ -16.3%	▼ -20.4%
აშშ დოლარი	3.2878	▼ -12.8%	▼ -18.7%
თურქული ლირა	0.4219	▲ 14.2%	▲ 19.8%
რუსული რუბლი	0.0417	▲ 10.5%	▼ -8.0%
ნომინალური ეფექტური გაცვლითი კურსი	113.51	▼ -4.8%	▼ -11.2%
რეალური ეფექტური გაცვლითი კურსი (აგვისტო, 2020)	112.74	▼ -0.5%	▼ -5.7%

წყარო: საქართველოს ეროვნული ბანკი

ნაერთი ბიუჯეტის შესრულება


2020 წლის გადასახადების იანვარ-სექტემბრის საპროგნოზო მაჩვენებელი 7,675.8 მლნ ლარს შეადგენს, 2020 წლის იანვარ-სექტემბრის ფაქტობრივი მაჩვენებელი დაგეგმილზე 5.1 პროცენტით მეტია, და შეადგენს 8,069 მლნ ლარს.

რაც შეეხება 2020 წლის სექტემბერს, გადასახადების საპროგნოზო მაჩვენებელი 797.9 მლნ ლარს შეადგენს, 2020 წლის სექტემბერს ფაქტობრივი მაჩვენებელი დაგეგმილზე 12.6 პროცენტით მეტია, და შეადგენს 898.3 მლნ ლარს.

- საშემოსავლო გადასახადის სახით მობილიზებულია 238.9 მლნ ლარი, რაც საპროგნოზო მაჩვენებლის (221 მლნ ლარი) 108.1 პროცენტია.
- მოგების გადასახადის სახით მობილიზებულია 60.5 მლნ ლარი, რაც საპროგნოზო მაჩვენებლის (40 მლნ ლარი) 151.2 პროცენტია.
- დამატებული ღირებულების გადასახადის სახით მობილიზებულია 434.2 მლნ ლარი, რაც საპროგნოზო მაჩვენებლის (410 მლნ ლარი) 105.9 პროცენტია.
- აქციზის სახით მობილიზებულია 157.3 მლნ ლარი, რაც საპროგნოზო მაჩვენებლის (126 მლნ ლარი) 124.9 პროცენტია.
- იმპორტის გადასახადის სახით მობილიზებულია 5.5 მლნ ლარი, რაც საპროგნოზო მაჩვენებლის (5.4 მლნ ლარი) 98.8 პროცენტია.


2020 წლის აგვისტოში, წინა წლის ანალოგიურ პერიოდთან შედარებით, ნაერთი ბიუჯეტის შემოსავლები შემცირდა 12.2 პროცენტით, ხოლო ხარჯები გაიზარდა 21.3 პროცენტით. ამავე დროს, ნაერთი ბიუჯეტის საოპერაციო სალდო, რაც წარმოადგენს მთავრობის დანაზოგს, შეადგინა - 53.6 მლნ ლარი, ხოლო მთლიანი სალდო განისაზღვრა -328.8 მლნ ლარით. ჯამში, გადასახადებიდან მიღებული შემოსავალი წლიურად შემცირდა 12.3 პროცენტით, რაზეც მნიშვნელოვან გავლენას ახდენს საშემოსავლო გადასახადებიდან მიღებული შემოსავლის კლება.

დიაგრამა 11: ნაერთი ბიუჯეტის შესრულება




წყარო: საქართველოს ფინანსთა სამინისტრო

დიაგრამა 12: გადასახადებიდან მიღებული შემოსავალი




წყარო: საქართველოს ფინანსთა სამინისტრო

დიაგრამა 13: პორტფელის შემოსავლიანობის მრუდი




წყარო: საქართველოს ფინანსთა სამინისტრო

დიაგრამა 14: საშუალო შეწონილი საპროცენტო განაკვეთი



წყარო: საქართველოს ფინანსთა სამინისტრო

დიაგრამა 15: ემისია და მოთხოვნა, მლნ ლარი



წყარო: საქართველოს ფინანსთა სამინისტრო


სახაზინო ფასიანი ქაღალდების პორტფელი

2020 წლის სექტემბერში ჩატარდა 4 აუქციონი ჯამური გამოშვებით 220 მლნ ლარი, რომლის საშუალო შეწონილმა საპროცენტო განაკვეთმა 8.193 პროცენტი შეადგინა.

გამოშვებულ იქნა 6 და 12 თვის ვადიანობის სახაზინო ვალდებულებები; 2 და 5 წლის ვადიანობის სახაზინო ობლიგაციები. დაიფარა 60 მლნ ლარის მოცულობის ფასიანი ქაღალდები. პორტფელში შემავალი ფასიანი ქაღალდების ჯამური საშუალო შეწონილი ვადიანობა (ATM) შემცირდა წინა თვესთან შედარებით.

2020 წლის 30 სექტემბრისთვის სახელმწიფო ფასიანი ქაღალდების პორტფელის 31.6 პროცენტი ფორმირებული არის იმ ფასიანი ქაღალდებით, რომელთა დაფარვის ვადა დგება მომავალი 1 წლის განმავლობაში. მოთხოვნის კოეფიციენტი გასული თვის მაჩვენებელთან (აგვისტო 2.00) შედარებით მცირედით გაიზარდა და 2.02 შეადგინა.

დიაგრამა 16: პორტფელში შემავალი ფასიანი ქაღალდების კომპოზიცია დაფარვამდე დარჩენილი ვადის მიხედვით



წყარო: საქართველოს ფინანსთა სამინისტრო

კერძო სექტორის ღირებულება


სესხების ღირებულების მზარდი ტენდენცია გააჩნია. მთლიანი სესხების ღირებულება მნიშვნელოვნად გაიზარდა ფიზიკურ პირებზე გაცემული სესხების ღირებულებით. 2020 წლის 1 სექტემბრის მდგომარეობით, ფიზიკურ პირებზე გაცემული სესხების ღირებულებამ 58.6 პროცენტი შეადგინა, იურიდიულ პირებზე გაცემული სესხების ღირებულებამ - 26.9 პროცენტი, ხოლო მთლიანად სესხების ღირებულებამ კი 43.3 პროცენტი შეადგინა.

რაც შეეხება სესხების ღირებულების უზრუნველყოფის მიხედვით, მზარდი ტენდენცია გააჩნია როგორც იპოთეკური, ასევე - სამომხმარებლო სესხების ღირებულებას, მაგრამ სამომხმარებლო სესხების ღირებულება მნიშვნელოვნად აღემატება უძრავი ქონებით უზრუნველყოფილი სესხების ღირებულებას. 2020 წლის 1 სექტემბრის მდგომარეობით, სამომხმარებლო სესხების ღირებულება 87.5 პროცენტს შეადგენს, ხოლო იპოთეკური სესხების ღირებულება გაუტოლდა 33 პროცენტს.

დეპოზიტების ღირებულების მნიშვნელოვნად განაპირობებს იურიდიული პირების დეპოზიტების ღირებულება. 2020 წლის 1 სექტემბრის მდგომარეობით, მთლიანი დეპოზიტების ღირებულებამ 40 პროცენტი შეადგინა, იურიდიული პირების დეპოზიტების ღირებულება ამავე პერიოდში 55.5 პროცენტს გაუტოლდა, ხოლო ფიზიკური პირების დეპოზიტების ღირებულება - 25.3 პროცენტს.


მიმდინარე ანგარიშების ღირებულება 2020 წლის სექტემბრის დასაწყისისთვის გაუტოლდა 45.5 პროცენტს. ამავე პერიოდში მოთხოვნამდე დეპოზიტების ღირებულება 33.6 პროცენტია, ხოლო ვადიანი დეპოზიტების ღირებულება - 40.5 პროცენტი.

დიაგრამა 17: სესხების ღირებულება





წყარო: საქართველოს ეროვნული ბანკი


დიაგრამა 18: დეპოზიტების ღირებულება



დიაგრამა 19: სესხების წლიური ზრდა



დიაგრამა 20: უძრავი ქონებით უზრუნველყოფილი სესხების წლიური ზრდა



სესხების მიმოხილვა

საკრედიტო პორტფელის წლიური ზრდა 2020 წლის 1 სექტემბრის მდგომარეობით 2019 წელთან შედარებით 13.8 პროცენტი შეადგინა. იურიდიული პირების სესხების წლიური ზრდა კი წინა თვესთან შედარებით 3.1 პროცენტული პუნქტით შემცირდა და იმავე პერიოდში 16.6 პროცენტს გაუტოლდა, ხოლო ფიზიკური პირების სესხების წლიური ზრდა 11.7 პროცენტს შეადგენს.

2020 წლის 1 სექტემბრის მდგომარეობით ეროვნული ვალუტით გაცემული სესხების ზრდამ წინა წლის შესაბამის პერიოდთან შედარებით 14 პროცენტი შეადგინა, უცხოური ვალუტაში გაცემული სესხების წლიური ზრდა წინა თვესთან შედარებით გაიზარდა და გაუტოლდა 13.7 პროცენტს გაუტოლდა.

2020 წლის სექტემბრისთვის იპოთეკური სესხების წლიური წინა თვესთან შედარებით 0.4 პროცენტული პუნქტით გაიზარდა და 21.3 პროცენტი შეადგინა.

დეპოზიტების მიმოხილვა


მთლიანი დეპოზიტების ზრდა 2020 წლის სექტემბერში 2019 წლის შესაბამის პერიოდთან შედარებით 18 პროცენტს შეადგენს, ეროვნული ვალუტით დენომინირებული დეპოზიტების წლიური ზრდა წინა პერიოდთან შედარებით 6 პროცენტული პუნქტით გაიზარდა და 35 პროცენტს გაუტოლდა, ხოლო უცხოური ვალუტით დენომინირებული დეპოზიტების წლიური ზრდა - 9 პროცენტს.

2020 წლის სექტემბერში ფიზიკური პირების დეპოზიტების წლიურმა ზრდამ 12 პროცენტი შეადგინა, ხოლო იურიდიული პირების დეპოზიტების წლიური ზრდა გაუტოლდა 26 პროცენტს.




მონეტარული პოლიტიკის განაკვეთი

საქართველოს ეროვნული ბანკის მონეტარული პოლიტიკის კომიტეტმა 2020 წლის 16 სექტემბერს რეგინანსირების განაკვეთის უცვლელად დატოვების გადაწყვეტილება მიიღო. მონეტარული პოლიტიკის განაკვეთი 8.0 პროცენტს შეადგენს. ეროვნული ბანკის მიხედვით, წლის დარჩენილ პერიოდში წლიური ინფლაციის შემცირების ტენდენცია გაგრძელდება და 2021 წლის პირველ ნახევარში მიზნობრივ დონეს ჩამოცდება. ინფლაციის მოსალოდნელ ცვლილებას, ძირითადად, სუსტი ერთობლივი - მეტწილად საგარეო - მოთხოვნა განსაზღვრავს. თუმცა კომიტეტმა ასევე გაითვალისწინა ინფლაციის მოლოდინების კუთხით არსებული რისკები, რომლებიც სავალუტო ბაზრებზე გაზრდილ მერყეობასა და მიზნობრივზე მაღალი ინფლაციის მაჩვენებლის ხანგრძლივად შენარჩუნებას თან ახლავს. სწრაფად შემცირდება ინფლაციის მოლოდინები. მონეტარული პოლიტიკის კომიტეტის შემდეგი სხდომა 2020 წლის 28 ოქტომბერს ჩატარდება.


დიაგრამა 22: ინფლაცია და მონეტარული პოლიტიკის განაკვეთი



დიაგრამა 21: დეპოზიტების წლიური ზრდა




დიაგრამა 23: საპროცენტო განაკვეთები დეპოზიტების ნაშთებზე



წყარო: საქართველოს ეროვნული ბანკი

დიაგრამა 24: საპროცენტო განაკვეთები გაცემულ, უძრავი ქონებით უზრუნველყოფილ სესხებზე



წყარო: საქართველოს ეროვნული ბანკი

საპროცენტო განაკვეთები

2020 წლის სექტემბრისთვის უცხოური ვალუტით განთავსებულ დეპოზიტებზე საპროცენტო განაკვეთმა 2.8 პროცენტი შეადგინა, ხოლო ეროვნული ვალუტით - 9.2 პროცენტს უტოლდება.

2020 წლის სექტემბერში იურიდიული პირები მიერ ეროვნულ ვალუტაში განთავსებულ დეპოზიტებზე საშუალო შეწონილი საპროცენტო განაკვეთი 9 პროცენტს გაუტოლდა, ხოლო უცხოური ვალუტით - 2.5 პროცენტს. ფიზიკური პირების დეპოზიტებზე საშუალო წლიური საპროცენტო განაკვეთები უცხოური ვალუტით განთავსებულ დეპოზიტებზე გაუტოლდა 2.9 პროცენტს, ხოლო ეროვნული ვალუტით - 9.5 პროცენტს.

2020 წლის სექტემბერში საშუალო წლიური შეწონილი საპროცენტო განაკვეთი მოკლევადიან სამომხმარებლო სესხებზე 20.4 პროცენტს გაუტოლდა (ეროვნული ვალუტით - 26.4 პროცენტი, ხოლო უცხოური ვალუტით - 6.4 პროცენტს).

გრძელვადიან სამომხმარებლო სესხებზე საშუალო შეწონილ საპროცენტო განაკვეთს მნიშვნელოვანწილად ეროვნულ ვალუტაში დენომინირებული სესხები განსაზღვრავს. მისი მნიშვნელობა 2020 წლის სექტემბერში 16.9 პროცენტს გაუტოლდა. ეროვნულ ვალუტაში დენომინირებულ სესხებზე საპროცენტო განაკვეთი 18.1 პროცენტს შეადგენს, ხოლო უცხოურ ვალუტაში დენომინირებულ სესხებზე 8.1 პროცენტს.

იურიდიულ პირებზე გაცემულ, ეროვნულ ვალუტაში დენომინირებულ იპოთეკურ სესხებზე საპროცენტო განაკვეთი 2020 წლის აგვისტოს ბოლოს 12.2 პროცენტს შეადგენდა, ხოლო უცხოურ ვალუტით - 7 პროცენტს. ფიზიკურ პირებზე ეროვნულ ვალუტაში გაცემულ სესხებზე საპროცენტო განაკვეთმა 11.8 პროცენტი შეადგენა, ხოლო უცხოურ ვალუტაში - 6.2 პროცენტი.

საინფორმაციო ფურცელი

პუბლიკაცია მომზადებულია საქართველოს ფინანსთა სამინისტროს მაკროეკონომიკური ანალიზისა და ფისკალური პოლიტიკის დაგეგმვის დეპარტამენტის მიერ. პუბლიკაციაში მოცემული ინფორმაცია და აზრები წარმოადგენს ავტორების - მაკროეკონომიკური ანალიზისა და ფისკალური პოლიტიკის დაგეგმვის დეპარტამენტის ეკონომიკური გუნდის აზრებს და არ წარმოადგენს საქართველოს ფინანსთა სამინისტროს ოფიციალურ პოზიციას. პუბლიკაციაში მოყვანილი ანალიტიკური ინფორმაცია ემსახურება საინფორმაციო მიზნებს და მოპოვებულია საჯარო წყაროებიდან. ანგარიშში მოცემული პროგნოზები და გაანგარიშებები არ უნდა იყოს მიღებული როგორც დაპირება, მინიშნება და გარანტია.

